



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Concordia. Pia Et Vnanimi Consensv repetita Confessio
fidei & doctrinæ Electorum, Principvm Et Ordinvm Imperii,
atq[ue] eorundem Theologorum, qui Augustanam
Confessionem amplectuntur**

Lipsiæ, 1606

Errores Anabaptistarvm.

urn:nbn:de:hbz:466:1-35443

Vnde omnes sinceri doctores & Confessores Euangelij fuere repulsi aut eiecti. Vbi enim crassissima & plusquam Cimmerica, vt dici solet, Papatus tenebrae regnabant, ibi miseri homines, qui Pontificiam manifestissimam Idololatriam & falsam doctrinam tantum non manibus palpant, ex mera simplicitate amplexi sunt, quicquid à Papatu discrepabat, & sub Euangelij nomine ipsis obtrudebatur. Quorum malorum Pontificia tyrannis, quæ sinceram doctrinam persequitur, vel præcipua causa est.

ERRORES ANABAPTISTARVM.

Reijcimus & damnamus falsa Anabaptistarum dogmata, quæ neq; in Ecclesia Dei, neq; in Politia, neq; in Oeconomia tolerari possunt.

- I. Quod iustitia nostra coram Deo, non tantum in sola obedientia & unico merito Christi, verum etiam in nostra renouatione & propria iustitia (in qua coram Deo ambulemus) consistat. Et eam probitatem seu iustitiam Anabaptistæ vt plurimum in peculiaribus observationibus & sua quadam electitia sanctimonia, quasi in quodam nouo Monachatu, collocant.
- II. Quod infantes non baptizati coram Deo non sint peccatores, sed iusti, & prorsus innocentes, & quod in sua illa innocentia sine Baptismo (quo non indigeant) saluentur. Et hac ratione negant atq; reijciunt Anabaptistæ totam de originali peccato doctrinam, & quicquid ad eam pertinet.
- III. Quod docent, infantes non esse baptizandos, donec vltimæ rationis habeant, & fidem suam ipsi confiteri possint.
- IIII. Infantes Christianorum ob eam causam (etiam sine Baptismo, & ante susceptum Baptisma) sanctos, & filios Dei esse: quod parentibus Christianis prognati sint.

Vnde

Vnde & Baptismum infantum non magnificiunt, neque admodum urgent. Id quod pugnat cum expressis verbis promissionis: quæ ad eos tantum pertinet, qui fœdus Dei obseruant, neque illud contemnunt.

Non esse eam veram & Christianam Ecclesiam, in qua peccatores reperiantur.

Non esse conciones sacras audiendas in ijs templis, in quibus aliquando Missæ Pontificiæ sunt celebratæ.

Non habendum quicquam commercij cum Ecclesiæ ministris, qui & sanctum Christi Euangelion, iuxta veram Augustanæ Confessionis sententiam docent, & anabaptistarum errores refutant: neque illis operam laudandam: quin potius, vt verbi Dei corruptores fugiendos atque vitandos esse.

Magistratus officium non esse (in nouo Testamento) genus vitæ, homine & pio Christiano dignum.

Hominem pium salua conscientia officio magistratus fungi non posse.

Hominem Christianum illæsa conscientia officium magistratus, re ita postulante, aduersus facinorosos facere & exequi non posse, nec quenquam subditorum implorare opem magistratus debere.

Christianos sana conscientia in foro ciuili iuramentum præstare, aut principi ac magistratui suo fidem sub religione iurisiurandi astringere non posse.

Quodd Magistratus fontes & morte dignos supplicio capitis afficere, sine vulnere & labe cõsciētiz nequeat.

Hominem Christianum salua sua conscientia proprium tenere ac possidere non posse: sed oportere, quicquid id est, in communem fiscum conferre.

Hominem pium sana conscientia non posse cauponariam aut mercaturam exercere, aut arma conficere.

Coniugibus propter religionis diuersitatem, diuortium facere, & matrimonium, cum alia persona, qua cum in religione conueniat, contrahere, licitam esse.

Christum

V.

VI.

VII.

VIII.

IX.

X.

XI.

XII.

XIII.

XIV.

XV.

XVI.

Christum carnem & sanguinem suum non e Maria virgine assumisse: sed de coelo attulisse.

XVII.

Christum non esse verum & essentialem Deum: sed duntaxat alios homines multitudine & excellentia donorum & gloria superare.

Hos atq; similes falsos articulos Anabaptistæ profitentur. Et quidem in multas sectas sunt diuisi: & alij plures, alij pauciores religionis errores amplectuntur. Tota verò ipsorum secta nil nisi nouus quidam est Monachismus.

ERRORES SCHVVENCKFELDIANORVM.

Reijcimus atq; damnamus etiam Schvvenckfeldianorum errores, quibus docent:

I.

Quòd omnes illi non habeant cœlestis regis Christi iam regnantis veram agnitionem, qui sentiunt, Christum secundum carnem seu Christi humanam naturam, esse creaturam. Quòd caro Christi per exaltationem omnes diuinas proprietates ita acceperit, vt iam Christus humanitatis suæ ratione, potentia, virtute, Maiestate, gloria, Patri & æterno Verbo, prorsus gradu, loco, & essentia sit æqualis: ita, vt sit eadem omnino vtriusq; naturæ in Christo **ESSENTIA**, eadem proprietates, vna eademq; voluntas, vna gloria. Quòd denique caro Christi ad **ESSENTIAM** sacrosanctæ **TRINITATIS** pertineat.

II.

Quòd ministerium Ecclesiasticum, hoc est, verbum Dei prædicatum & auditum, nõ sit medium seu instrumentum, quo Deus Spiritus sanctus homines doceat, & per quod ipsis donet veram Christi agnitionem, poenitentiam & fidem, & quo in ipsis nouam obedientiam operetur.

III.

Quòd aqua baptismi non sit medium aut instrumentum, quo Dominus adoptionem filiorum Dei obfignet, & homines regeneret.

Quòd